



De bloemen uit deze dienst gaan met een hartelijke groet van ons allen naar de fam. Bakering, Kerkplein 10 en naar dhr. Peter Kallenbach, Barchemseweg 76.



Orde van dienst zondag 19 oktober 2025, dialectdienst
Voorganger: Mevr. Marian Storteler uit Ruurlo

VOORBEREIDING

Welkom en nog wat meer...

Wi'j bint een peusken stille...

Zingen op de wieze van leed 865: Vrae veur owlou

1. Vrae veur owlou, hier hen ekomm'ne,
um met mekare mens te waen.
I'j hier alleen', i'jleu hier samen,
i'j, met al ow verborgen zeer.
Vrae en gena' en God um ow haer,
vergeving, ni-jen mood,
göf Hee ons kaer' op kaer'!
2. Ginne kump hier vri'j van 't kwaoie,
ginne geet störig an vri'juut.
Ginne te völl', ginne te weinig,
ginne te groot, ginne te klein,
dit wordt verteld met woord en gebaar,
töt ens en ovveral
wi'jleu laeft veur mekaar'.
3. I'j, dén ons kent,
I'j, dén ons anzeet, I'j,
dén de welt op hande draagt:
Kom naor ons to, do ons waer laeven,
ne tied van laeven, hier en no!
Gef ons ne welt waor 't good waen kan,
vraagt wi'j Ow, onzen God:
gao zo met ons verdan!



Dórpelgebed

Uutleg thema; Laot i'j ow ok zo metsleuren?

Kyrie gebed met anslutend de Lofpriezing

Zingen op de wieze van leed 654: zo meugelijk staonde

Zing veur den Heer, stem der met in

1. Zing veur den Heer, stem der met in,
wi-j wilt God lof to zingen,
want Hee deed ons vanaf't begin
geweldig mooie dingen
Hee hef het menselijk geslacht
in 't lecht eropen en bedacht
met enkel zegeningen.

6. Zing veur den Heer, stem in der met,
met ons, dee God wilt aeren:
Een ni-j begin is 't, wat ons redt
wat wi'j verkaerd ok deden.
Hee reep ons uut den nacht in 't lecht,
zet no ons leven veur ons recht.
In Christus is ons laeven!

Laot i'j ow ok zo metsleuren?

Gebed, veurdat d'r Biebelwaorde klinkt

Schriftlaezing Genesis 37 : 12 t/m 30

Zingen op de wieze van leed 166 b: Jozef zög zien grote breurs

1. Jozef zög zien grote breurs,
alle tien bunt ze jaloers,
op zien jak en op zien dreumen,
zeet ze Jozef al an't kleumen,
hebt zien mantel vot' emaakt.
Jozef in de putt' eraakt.

2. Met een slavenkaravaan
mot hee naor Egypte gaon.
Alle dreume bunt vergetten,
heel vól kwaod wordt um verwetten,
is Jozef den onschuldig is.
kump in de gevangen is.



5. God hef alles um-edräeid,
Jozef wordt als vorst e-wijd,
en ut kwaoje völt in duugen
en de breurs ze mot noe buugen:
zo hölt God deur Jozefs hand
't volk van Israël in stand.

Schriftlaezing Romeinen 12: 14 t/m 18

Zingen op de wieze van leed 73: Al liekt ut anders, toch is 't waar

1. Al liekt het anders, toch is 't waar:
God, dén is good, steet veur dee klaor,
dee-t zienen wille hebt edaone.
Toch was 't mi'j haost' verkaerd egaone.
Ik blevve kwelke op de been.
Ik kon 't gewoon neet maer anzeen:
de greutsen denkt, dat alles kan.
Slecht volk, dat dut mor zo vedan.

3. En smaerig lachend staot ze daor
störig met dreigementen klaor.
Zee waogt den hemel uut te dagen,
op aerde vrech zich te gedragen.
Het volk, dat löp der achteran.
Genog, dat krig 't der mor neet van.
Het drunk as water wat zee zegt.
"God markt het toch neet", wordt ezegd

Aoverdenking

Muziek van 't orgel um stille naor te luustern

Wi-j luustert naor ut leed; ' Waorumme zit de Völker

Danken en bidden met samen 'Onze Vader'
Onzen Vader, I-j dén in den hemel bunt,
Ow naam, laot dén eheiligd wodden;
Ow koninkriek, loat dat kommen;
Ow wil, loat dén gebeuren
op eerde zo as in den hemel.
Gef ons het brood veur vandage
en vergef ons onze schulden
net as wi-j vergeeft
dee bi-j ons in de schuld staot;
en bewaar ons veur verleiding



en maak ons vri-j van 't kwaode.
Want van Ow is het koninkriek
en de kracht en de heerlekheid
now en alle dagen. Amen.

Andacht veur de collecte bestemming: actie 'Pepernoot'
Collecte

Slotleed op de wieze van leed 423 :No wi'j hier vot gaot.

1. No wi'j hier votgaot vraoge wi'j God:
gao met ow lecht veur ons uut!
No wi'j hier vot gaot wens ik ow to:
gao met God! Vaya con Dios en a tjuu!
2. Veur wee ons leef bunt vraoge wi'j God:
gao met ow lecht veur eur uut!
Al onze näösten wense wi'j vrae:
gao met God! Vaya con Dios en a tjuu!
3. Veur alle leu dee komt op ons pad:
Vrae, alle goods veur elk huus!
Veur al wee waren onder dit dak:
gao met God! Vaya con Dios en a tjuu!

Zegen

met: Amen, amen, amen,
laot wi'j neet beschamen,
Jezus Christus, onzen Heer,
Amen, God ow naam ter eer.